

ԳԱՐԵԳԻՆ Բ ԿԱԹՈՂԻԿՈՍԻ ՆԱՆԴԻՍԱՊԵՏՈՒԹՅԱՄԲ ԿԱՏԱՐՎԵՑ ՎԱՆԱԶՈՐԻ ԱՌԱՋՆՈՐԴԱՆԻՍՏ ԵԿԵՂԵՑՈՒ ՆԻՄՆԱՐԿԵՔԸ

Հունիսի 23-ին, վաղ առավոտյան, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը մեկնեց Վանաձոր (Գուգարաց թեմ) կաթարելու թեմի առաջնորդանիստ եկեղեցու հիմնարկները, որի հողօրհնների արարողությունը տեղի էր ունեցել անցած տարի, մայիսի 25-ին: Ամերիկահայ տեր և տիկին Սարգիս և Հռութ Բեդկյանների բարերարությամբ կառուցվող առաջնորդանիստ այս շքեղ եկեղեցին կրելու է Ս. Գրիգոր Նարեկացու անունը՝ ի նշանավորումն այս տարի ազգովի փոխախմբվող Ս. Գրիգոր Նարեկացու «Մաքյան ողբերգության» աղոթագրքի 1000-ամյակի:

Մարզի սահմանագլխին Վեհափառ Հայրապետին դիմավորեցին և Հայրապետական շքախմբին միացան Գուգարաց թեմի առաջնորդ Տ. Սեպուհ եպս. Զուլյանը, Լոռու մարզպետ Ներսիկ Զոհինյանը, Վանաձորի քաղաքապետ Սամվել Դարբինյանը և մարզային ու քաղաքային իշխանությունների այլ ներկայացուցիչներ:

Մինչ հիմնարկների արարողությունը Նորին Սրբությանը և ուղեկից եկեղեցականներին ու ազգային բարերարներին բարիգալստյան խոսքով դիմեցին թեմակալ առաջնորդ Սրբազան Հայրը և Լոռու մարզպետը՝ կարևորելով առաջնորդանիստ եկեղեցու կառուցման անհրաժեշտությունը և դերը Վանաձորի բնակչության հոգևոր արթնության համար:

Հիմնարկների արարողության ընթացքում, ձեռամբ Վեհափառ Հայրապետի, օժվեցին եկեղեցու 16 վեմ քարերը՝ կոչվելով Տիրոջ առաքյալների, 4 ավետարանիչների և Ս. Գրիգոր Լուսավորչի անուններով: Այս դրանք տեղադրվեցին նորակառույց եկեղեցու հիմքում:

«Փառք և գոհություն ենք բարձրացնում, որ մեր կյանքի դժվարին ժամանակներում Աստված ողորմության իր լայն դռները բացել է մեր ժողովրդի առջև և պարզևում է շնորհը՝ եկեղեցի կառուցելու, աղոթքի մեր տները շենացնելու և մեր զավակներին համախմբելու մեր նվիրական հայրերի սրբազան ժառանգության և սուրբ հավատքի շուրջ:

...Տիրոջ ողորմության հայցումով այս եկեղեցին կոչում ենք Ս. Գրիգոր Նարեկացու անունով, որպեսզի մեր սրբի բարեխոսությունը միշտ մեր ժողովրդի համար բարձրանա առ Աստված, որպեսզի նրա աղոթքները զան մաքրելու մեր հոգին, սրբելու մեր կյանքից ամեն արարավոր երևույթ, աղոթքները զան՝ մեզ դառնալու բժշկություն, զորակցություն և ճանապարհ դեպի Աստված: ...Վստահ ենք, որ Ս. Գրիգորի անունով այս եկեղեցին, որ պիտի վեր հառնի մեր բարերարների ազնիվ հոգու և առաքաձեռնության շնորհիվ ու հայրենյաց մեր զավակների քրոնաջան աշխատանքով, պիտի գա հրաշագործելու վանաձորի մեր հայրերի կյանքում», - նշեց Նորին Սրբությունն իր խոսքում:

Հիմնարկների արարողությունից հետո Վեհափառ Հայրապետն այցելեց նաև թեմապարական «Ծիծեռնակ» մանկական ճամբար:

- Վեհափառ Հայրապետին ուղեկցում էին Արարաբյան Հայրապետական թեմի առաջնորդական փոխանորդ Տ. Նավասարդ եպս. Կոնյանը, Կուրայքի թեմի առաջնորդ Տ. Առա-

[illegible]

1984-1985

18. 11. 2011

A group of people, including a priest and a woman holding a bouquet of flowers, standing in front of a white altar decorated with a white cloth and a white house-shaped object. The priest is wearing a black and gold vestment and holding a chalice. The woman is wearing a red vestment and holding a bouquet of pink and orange flowers. The altar is covered with a white cloth and has a white house-shaped object on it. The background is a wooden wall.



քել եպս. Քարամյանը, Հարավային Ռուսաստանի հայոց թեմի առաջնորդ Ս. Մովսես եպս. Մովսիսյանը, Վիրահայոց թեմի առաջնորդ Ս. Վազգեն եպս. Միրզախանյանը, Կանադայի հայոց թեմի առաջնորդ Ս. Բագրատ եպս. Գալստյանյանը, Մայր Աթոռի միաբաններ, ազգային բարերարներ Կեր և Կիկին Սարգիս և Հուրթ Բեդկյանները, Կեր և Կիկ. Գառնիկ և Անի Յակուբյանները, ԱՄՆ հայոց Արևմտյան, Վիրահայոց և Կանադայի հայոց թեմերի թեմական խորհուրդների արենապետները և այլ թեմականներ:

**ՄԱՅՐ ԱԹՐՈՒ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ**